

Amra Junuzović – Kaljić  
Zastupnica u Skupštini Kantona Sarajevo  
Narod i pravda



Kanton Sarajevo  
Vlada Kantona Sarajevo  
Ministarstvo zdravstva Kantona Sarajevo  
Zavod zdravstvenog osiguranja Kantona Sarajevo  
Skupština Kantona Sarajevo  
n/r: Predsjedavajući Skupštine Kantona Sarajevo  
n/r: Sekretar Skupštine Kantona Sarajevo

Poštovani,

Na osnovu člana 106. Poslovnika Skupštine Kantona Sarajevo („Službene novine Kantona Sarajevo” broj: 41/12 – Drugi novi prečišćen tekst , 15/13, 47/13, 47/15, 48/16, 9/20 i 14/20), upućujem sljedeću

#### *Inicijativu*

**Ovim putem pokrećem inicijativu prema Ministarstvu zdravstva Kantona Sarajevo i Zavodu zdravstvenog osiguranja Kantona Sarajevo za registraciju oralnog lijeka (sirup) Valganciclovir koji se koristi u liječenju citomegalovirusnih infekcija.**

**Također sugeriram da se razmotri mogućnost interventnog uvoza navedenog lijeka iz tekućih sredstava Zavoda zdravstvenog osiguranja Kantona Sarajevo dok se isti ne registruje.**

#### *Obrazloženje*

**Citomegalovirusna infekcija je najčešća urođena virusna infekcija, a učestalost se posljednjih decenija kreće od 0,48 do 1,3%. Ona je vodeći uzrok nenasljednog senzoneuralnog gubitka sluha, ali uzrokuje i druge dugoročne neurorazvojne teškoće, uključujući cerebralnu paralizu, intelektualnu nesposobnost, oštećenje vida i konvulzije. Kliničke manifestacije simptomatske CMV infekcije novorođenčeta su mnogobrojne.**

**Dojenčad sa simptomatskom CMV infekcijom trebaju dugotrajnu antivirusnu terapiju, šest sedmica do šest mjeseci. Za životno ugroženu novorođenčad sa kongenitalnom CMV infekcijom lijek izbora je Ganciclovir, intravenski preparat (doza 6 mg/kg/TT intravenski, svakih 12 sati). Za novorođenčad koja zbog osnovne bolesti ne zahtijevaju hospitalizaciju lijek izbora je oralni preparat Valgancilovir (doza 16 mg/kg/TT, oralno, svakih 12 sati).**

**U FBiH Ganciclovir, intravenozni preparat je registrovan, a orali oblik antivirusika nije. Radi toga djeca kongenitalnom CMV infekcijom i kad su vitalno stabilna moraju biti hospitalizirana radi terapije što predstavlja ogromne troškove za zdravstveni sistem ali i za porodice oboljele djece.**

Oralni preparat (sirup) je dostupan u Hrvatskoj i jedno pakovanje (jedno mjesečna terapija za novorođenče od 4 kg) iznosi cca. 500KM. Roditelji koji su platežno sposobni kupuju ovaj preparat na vlastiti trošak bez obzira što su uredno zdravstveno osigurani.

U skladu sa navedenim kad god opšte stanje pacijenta dopušta, terapiju potrebno nastaviti peroralno a troškove lijeka refundirati. Za sada, u toku jedne godine imamo oko 35 pacijena koji bi se mogli tretirati u kućnim uslovima.

**Kućni tretman peroralnim Valganciclovirom pored komfora za pacijenta značajno smanjuje ukupne zdravstvene troškove – (Bolnički boravak: 35 pacijenata x 42 dana x cca 100KM (boravak u bolnici) = 147.000KM; Kućno liječenje: 35 pacijenata x 500KM (cijena lijeka) = 17.000KM).**

S poštovanjem,

---

Amra Junuzović – Kaljić  
Zastupnica u Skupštini Kantona Sarajevo  
Narod i pravda